

Oratio.

DEUS, qui nos sanctórum Confessorum tuórum Vedásti et Amándi confessiónibus gloriósis circúmdas et prótegis : da nobis eórum imitatióne proficere ⁊ et intercessióne gaudére : Per.

DIE VII. FEBRUARII.

S. ROMUALDI ABBATIS.

DUPLEX.

Oratio.

INTERCESSIO nos, quæsumus Dómine, beáti Romuáldi Abbátis comméndet : ut quod nostris méritis non valémus ⁊ ejus patrocínio assequámur : Per.

DIE VIII. FEBRUARII.

S. JOANNIS DE MATHA CONFESSORIS.

DUPLEX.

Oratio.

DEUS, qui per sanctum Joánnem Ordinem sanctíssimæ Trinitátis, ad rediméndum de potestáte Saracenórum captivos, cælitus institúere dignátus es : præsta, quæsumus, ut ejus suffragántibus méritis ⁊ a captivitate corpóris et ánimæ, te adjuvánte, liberémur : Per.

DIE IX. FEBRUARII.

B. BERNARDI SCAMMACCA CONFESS. ORD. PRÆD.

DUPLEX.

Oratio.

DEUS, qui beátum Bernárdum a sæculi vítiis revocatúm in viam perfectiόνis traduxísti : ejus méritis et précebus concéde ut nos peccáta nostra defléntes ⁊ ad te puris méntibus convertámur : Per.

In j. Vesperis Mem. S. Apolloniæ Virg. et Martyris.

Oratio.

DEUS, qui nos ánnua beátæ Apollóniæ Vírginis et Mártiris tuæ solemnitáte lætíficas : da ut quam venerámur officio ⁊ étiam piæ conversatiónis sequámur exémplo : Per.